



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Gaudia quindecim beatissimæ Virginis Mariæ breuiter explicans, Hymnus
XXX.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Virgo manes castior,
Vt regina gloriosa
Esther sed acceptior.

Docta mater suum natum
Samson Deo consecrat.
Samuelem Deo gratum
Munus Anna dedicat,
Templum sibi præparatum
Te Deus inhabitat.

Anna senex de Infante
Prophetabat vidua,
Tibi quæ fuerunt ante
Plenus iam cognita,
Sacra Sancto reuelante
Spiritu mysteria.

Paris Christum & renatos,
Sara mirabilior
Nos in cruce tibi datos
Tu Lia fecundior.
Foue tuos adoptatos,
Eua matre melior.

Condolens dum anxialis,
Salome constantior,
Scans sub cruce desolaris,
Noemi tunc tristior,
Plangens natum contemplaris,
Sara sed maturior.

Per te reconciliati,
Delbora tu iustior,
Sumus quoque liberati,
Iudith & zelosior,
Hostes nostri sunt prostrati,
Iabel nam es fortior.

Bersabex Salomonis,
Matre gloriosior,
Altior es cæli thronis,
Christo tu vicinior,
Mille fulges nunc coronis
Cunctis excellentior.

Gloria fit tuo Nato,
Patri cum Paraclito.
Liberet nos à peccato,
Qui pro nostro debito,
Corpore tam delicato,
Mortem fert gratuito, Amen.

*Gaudia quindecim beatissima Virginis
Maria breuiter explians,
Hymnus XXX.*

GAUDE Virgo Virginum,
Mater Iesu Christi,
Primum quia gaudium

Nobis contulisti,
Quando velut oriens
Aurora prodisti
Ortu tuo tribuens
Lucem mundo tristi.

Per hoc dulce gaudium
Virgo mater Dei
Apud tuum filium
Memor esto mei.

Gaude quia cælitus
Ad te destinatur
Gabriel Archangelus,
Vt tibi dicatur:

Aue plena gratia
Qui te sic affatur
Nuntius, ne timeas
Monet & hortatur.

Ad affatum Angelâ
Læta respondisti,
De me ancilla Domini
Fiat vt dixisti.

Quod dum Verbi nuntio
Responsum dedisti,
Ventris sub hospicio
Verbum concepisti.

Exultat tum Elizabeth
A te salutata,
Exultat & soboles
Eius nondum nata

Eo quod credideris
Dicta es beata,
Dominum magnificans
Sic magnificata.

Gaude cuius vterum
Decenter ornauit,
Et quod eum proprium
Sibi coaptauit,

Cæli rex & Dominus,
Et qui te creatuit,
Totis nouem mensibus

In te repausuit.
 Stella Sole clarior
 Gaude stella maris,
 Ex te clarus exijt
 Radius solaris.
 Singularis gloriæ
 Dono gloriaris,
 Dum Solem iustitiæ
 Virgo pura paris.
 Pastores accelerant
 Ad Bethleem tendentes,
 Verbum quod audièrant
 Factum requirentes.
 Querunt & inueniunt,
 Et inuenientes
 Te gaudere faciunt
 Tibi congaudentes.
 Sic & Magi de longe
 Veniunt, dicentes:
 Vbi est qui natus est?
 Ad quem venientes
 Adorant, & offerunt
 Dona, procidentes.
 Læta Magos aspicias
 Ista facientes.
 Gaude cuius brachijs
 Puer deportatur,
 Ad templum cum hostijs
 Patri præsentatur.
 Offeritur pro perditis,
 Sic Pater placatur,
 Et pax tuis meritis
 Reis redonatur.
 Cùm Christus ad nuptias
 In vinum mutauit
 Aquam quibus hydrias
 Impleri mandauit.
 Signorum primitias
 Hoc signo monstrauit,
 Quo primas delicias
 Mundo propinauit.
 Ex te vitæ vinea
 Botrus vitæ natus,
 Crucis neci figitur,
 Diræ morti datus.
 Cuius sic te cruciat

Crux & cruentatus,
 Mirè te lærificas
 Mirè suscitatus.
 Partus tui munere
 Perit mors consumpta,
 Porta patet gloriæ
 Spe vitæ resumpta.
 Cùm de morte rediens
 Ex te caro sumpta,
 Ad paternæ dexteram
 Sedis est assumpta.
 Quando cum discipulis
 Inter confedisti,
 Et de his quæ fuerant
 Facta contulisti,
 De vita de moribus,
 Et de morte Christi,
 Dona sancti Spiritus
 Læta suscepisti.

Quando cæli solium
 Læta conscendisti,
 Læta cæli ciuium
 Turbis occurristi.
 Occurrentem Filium
 Plus læta vidisti,
 Ad cuius consortium
 Tunc læta venisti.

Nam regina resides
 In regno cælorum,
 Vbi cunctis præsidet
 Choris Angelorum.

O pia pax pectorum,
 Salus peccatorum,
 Esto tui memorum
 Memor miserorum, Amen.

Iesu Christi vitam, passionem, beatissimam, Virginis Mariæ matris eius præconia, explicans, in decades quinque distributum.

Hymnus XXXI.

Decas I. Pater noster, Aue Maria.

Iesu consubstantialis
 Patri ex quo semper talis,
 Angelis non parcit malis,
 Sed è cælis eiicit.

iii *

Iesus